




Sezoen 2013 -2014 nó: 4



JUBBELEI-WEEKEND SJTEIT VEUR DE DEUR

Kómmend weekend is 't zowied. Dan vèndj in de Sjtadssporthal 't 12 x 11 –jaorig Jubelfees van De Marotte plaatsj.

Op vriedigaovend 31 jannewari trappe de twee sjtadshermeniëe **Hermenie Sint Joseph** en de **Philhermenie** aaf, mit eine geweldige **Vastelaovesproms** mit es sjpissjale gaste; Beppy Kraft, Christel van Rijn (W-Dreej) en Frans Pollux.

Op zaoterdigmiddig is 't vanaaf 13.00 oere de beurt aan de kènjer mit **Telekids Disco**. De jeug geit lèkker oet zien daak en d'r zeen versjillende verrassjingsoptraëes.

Op zaoterdigaovend is d'r dan eine richtige Kòlsje aovend ónger 't motto; Kòlsje teun, Zitterd dreet door. Mit ónger angere: **Die Rabaue, Nippeser Bürgerwehr, Wir sind Spitze!, Kòlsj Platt, Tanzkorps Blaue Jungs** en **die Domstädter**.

Op zóndig wurd aafgesjlaote mit **Vastelaovend same!** Eine femiejedaag veur jóngk en awd en ouch de **Jubbelei-reseppe van De Marotte**.



Geer kómp toch zeker ouch?

Kaarte zeen te kriege;

- Digitaal via Tixx, gebroek hievueur de link oppe website www.marotte.nl,
- In de Marottewinkel, Fotografie Ton Dirx (Paesjsjtraot), Hendriks Mode (Riekswaeg Noord), Segaremagazien Augustus Van Neer (houk Mert/Lömmerichersjtraot), Benzienpómp Beurgens (Dr. Nolenslaan en Hasseltsebaan)



HISTORIES PROJEK IN 'T DOMEIN GEÄÖPEND

't Is gebroekelik dat d'r mit ein jubbelei-fees ouch ein tentoonsjtèlling wurd georgenezeierd. Aevel door de verangerende tieje en de besjikbaarheid van väälo infermase op 't internèt is d'r noe veur eine angere opzàt gekaoze dae gerich is oppe sjole. Het projek besjteit oet twee deile; In de eesjte plaatsj eine sjpeurtoch mit eine Ipad en dan es tweede ein kreatief deil om zelf ein vastelaoves-attriboot te óntwerpe.

Dit projek woort geäöpend door wethawter Ruud Guyt dae de wies weurd sjprouk dat; In de toekóms 't verleede ligk, en daste jeug op ein innovatief meneier mós bereike.

Natuurlik kènt jederein dit projek/tentoonsjtèlling bezuike. En dat kènt pès 28 fibberwari. Vanaaf daensdig pès zóndig van 11.00 oere pès 17.00 oere. De entree is € 6,- en op zóndig 2 fibberwari maag geer veur niks nao bènne.



GOUNSDIG SENIOREZITTING



Veur de viefde maol orgenezeiert De Marotte in samewirking mit de Zonnebloem ein seniorenzitting.

En waal gounsdig 29 jannewari vanaaf 14.00 oere in de Sjouwborg.

D'r zulle ónger angere de volgende artiste veur uch optraëe:

De OBS Aan de Meule mit 't Marotte-kènjerleidje, de Zittesje bariton Math Dirks dae al gesjittert haet in de Jubbelei-Mès in de Grote Kirk zal Limburgse leidjes laote heure, Pierre van Helden zal de buut ingaon, Awd-LVK wennèr Gaston Jacobs zal de zaal laote sjwinge en 't wurd aafgesjlaote door Kartoesj.



Kaarte kènne nog tillefonis besjtèld waere bij dhr. Jan van Eeten til: 046-4111522 en nog aan de kassa van de Sjouwborg. De entree is € 13,50 en dit inclusief garderobe, ein nónnevot en ein drénkske.

HOB GEER AL EIN IDEE VEUR D'N OPTOCH?



Gank dan nao www.optoch.nl en völ 't insjriefformeleier in.

Vraag 't aan alle deilnummesj aan de Zittesje Optochte; mitdoon es einzelgänger, es gróp of es waageboewer is hartsjikke sjiek en me vèndj 't leuker es sjaon te kieke.

Dus bedènk uch get, sjrief uch in (allein veur de Groote Optoch) en doot mit!

Wilt geer meer infermase, bel of mail dan mit ein lid van het Optoch Kommittee

Zitterd, zie hóbbe alle infermase. 't Meiste sjteit ouch oppe website: www.optoch.nl

De deilname aan de optochte is veur niks. Dus kóm op, en laot uch zeen in de

Kènjeroptoch op 23 fibberwari of in de Groote Jubbelei-Optoch van 2 maart e.k.

KOUP EUR KAARTE VEUR 'T GALA PRINSENBAL



Twoe waeke nao 't jubbelei-weekend van De Marotte sjteit 't Gala Prinsenbal op 't pregram. Op zaoterdig 15 jannewari is de Zittesje sjtadssjouwborg de plaatsj veur 't Gala Prinsenbal waat dit jaor es thema haet 'Riddesj en Jónkvrouwe'.

De meziek kump dit jaor van de middeleeuwse rockband Reincarnatus, De Coronas, Juicy Lucy, DJacky en DJ Guido. Waat weier gans vööl sjpektakel belaoft.

D'r zeen 'life cooking'-beffètte om te zörge dat geer niks tekort kump.

En de ganse sjouwborg wurd omgetouverd in ein middeleeuws dekaor.

Laot uch verrasje en zörg dat geer d'r bie zeet.

D'n entree is € 77,- all-in oftewaal alles inbegrepe. Geer kènt digitaal kaarte besjtèlle op: www.galabal.nl of bie de bekènde veurverkoupadresse.

Meer infermase: www.marotte.nl



<http://www.facebook.com/DeMarotteZitterd>



http://twitter.com/marotte_zitterd